



Bentiaraq Ottosen

UPA 2026/37-1

Atassut

28. April 2026

Timersorneq timigissarnerlu pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut

(Ilinniartitaanermut, Kultureqarnermut Timersornermut Ilageeqarnermullu Naalakkersuisoq)

Innuttaasut, ilaatigut spillertartut aammalu digitali aqutigalugu atuisut, maannakkut siunnerusummut uunnga nutaamut periarfissinneqarput, tamanna alloriarneq pingaaruteqarpoq. Nunatsinni timersuutit assigiingitsorsuupput, kisianni e-Sport ataqqineqarluni taakkununga naligiissumik inissinneqarnikuunngilaq maannakkumut. Taamaattumik pisortatigoortumik timersuutit allat peqatigalugit allaqqalernissaa pingaaruteqarpoq, ammaanqassammat aningaasarsiutigalugu inuutissarsiutigalugulu akuerisaanissaa.

Nunatsinni takussaagaluttuinnarpoq inuit attaveqaqatigiittarfiisigut sukisaarsaatigalugu toqqaanartumik digitaalikkut isiginnaarneqarsinnaasumik spillertartut amerligaluttuinnartut, tamanna digitalikkut atuineramik pitsaasumik ineriartorfiusoq erseqqarissiarporpoq aamma nunarput avammut nittarsaaneqarnermini erfalatorput atorneqaleriartuinnassalluni.

Atassummiit pingaartipparput nunatta avammut nunarsuarmioqataasut ersarissarneruneqarnerunissaa, innuttaasullu ineriartorsinnaanissaat, aamma e-Sport iluani inuttut nammineq aammalu aningaasarsiorfittut. E-sport timersuutinit ilisimariikkatsinniit amerlasuuniit immikkuullarissuteqarpoq ineriartortinneqarsinnaallunilu kisimiilluni ingerlanneqarsinnaalluni imaluunniit iligiikkaarluni, aammalu aningaasatigut iluanaarutaalluni isertitsiffiusinnaalluni.

Ukiualuit Atassummiit sulissutigisimavarput uumap ineriartortinnera, aammalu siunnersuutigisimasarput maannakkut qaqilerneqarnera pitsaasuusoq oqariartuutigerusullutigu. Saniatigut ataqqivagut Nunatsinni aallartinneqareersimasut , matumani Inuit e-Sport pilersinneqareersimammat.

Taamatut oqaaseqarluta Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliamut innersuupparput.